



Broj: 09/2-16-8-19226-9/24  
Sarajevo, 26.08. 2024. godine

Na osnovu člana 32, člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za javne nabavke utvrđenog u Zapisniku broj: JN1-16-8-19226-7/24 od 14.08.2024. godine, u postupku nabavke usluga servisiranja i održavanja službenih vozila Ministarstva inostranih poslova BiH, **donosim:**

**ODLUKU**  
**o izboru najpovoljnijeg ponuđača**

Ponuđač „Guma M“ d.o.o. Mostar sa ponudom zaprimljenom kod ugovornog organa dana, 09.08.2024. godine pod brojem: 09/2-16-8-19226-3/24, proglašava se najpovoljnijim, te se imenovanom ponuđaču dodjeljuje okvirni sporazum za nabavku usluga servisiranja službenih vozila marke Renault – LOT-5.

Ova odluka objavit će se na web-stranici [www.mvp.gov.ba](http://www.mvp.gov.ba) istovremeno sa upućivanjem ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**O b r a z l o ž e n j e**

Postupak nabavke pokrenut je Odlukom o pokretanju postupka, broj: 09/2-16-8-19226-1/24 od 05.06.2024. godine, u kojoj je predviđeno da procijenjena vrijednost nabavke iznosi iznosi 50.000,00 bez PDV-a, od čega za LOT-1 iznosi 8.000,00 KM bez PDV-a, za LOT-2 iznosi 4.000,00 KM, za LOT-3 iznosi 8.000,00 KM, za LOT-4 iznosi 27.000,00 KM i za LOT-5 iznosi 3.000,00 KM.

Obavještenje o nabavci objavljeno je na Portalu javnih nabavki dana, 23.07.2024. godine pod brojem: 253-1-2-21-3-45/24 i u „Službenom glasniku BiH“, broj: 51/24 od 26.07.2024. godine.

Nabavka je provedena putem otvorenog postupka i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku nabavke usluga servisiranja službenih vozila marke Renault – LOT-5, broj: JN1-16-8-19226-7/24 od 14.08.2024. godine, konstatovala da je do roka prijema ponuda, 12.08.2024. godine, pristigla ponuda samo ponuđača:

1. „Guma M“ d.o.o. Mostar, sa ukupnom cijenom ponude u iznosu od 1.532,80 KM bez PDV-a.

Analizom dokumentacije pristigle ponude za LOT-5, te suštinskom provjerom sadržaja i validnosti iste, Komisija je utvrdila da navedena ponuda ispunjava formalno-pravne, ekonomske i tehničke uslove tenderske dokumentacije, te je ista prihvatljiva i može biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je u skladu sa članom 7.5 tenderske dokumentacije, izvršila provjeru računске ispravnosti pristigle ponude za LOT-5 i utvrdila da u Aneksu 3 – Obrazac za cijenu ponude u redu „Popust (može biti iskazan po svakoj stavci i ukupno ili samo ukupno):“ je upisan iznos od 260,58

KM, a u redu „Ukupna cijena sa popustom bez PDV-a:“ iznos od 1.793,38 KM, što prilikom računice predstavlja pogrešne vrijednosti za te rubrike.

Komisija je iz Aneksa 2 u dijelu Izjava ponuđača došla do zaključka da je ponuđač prethodno navedene iznose izačunao kao PDV i Ukupnu cijenu ponude sa PDV-om, pa je na osnovu donesenih konstatacija od navedenog ponuđača zatražila ispravku pomenutih vrijednosti.

Ponuđač „Guma M“ d.o.o. Mostar je dopisom broj: 302-08/24, istog dana, obavjestio Komisiju da prihvata grešku i uz obavjest dostavio ispravno popunjen Aneks-3 – Obrazac za cijenu ponude.

S obzirom da je pristigla samo jedna prihvatljiva ponuda za LOT-5, Komisija je konstatovala da se u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23), e-Aukcija nije mogla zakazati, iako je ista bila propisana tačkom 3.7.1. tenderske dokumentacije.

Cijeneći navedeno, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga servisiranja službenih vozila marke Renault – LOT-5, dodijeli ponuđaču **„Guma M“ d.o.o. Mostar sa ukupnom cijenom ponude u iznosu od 1.532,80 KM bez PDV-a.**

#### **Pouka o pravnom lijeku:**

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

#### **DOSTAVITI:**

1. Ponuđačima,
2. Odsjeku za opšte poslove, arhiv i dokumentaciju,
3. Evidenciji a/a.



**MINISTAR**

Elmedin Konaković

*Elmedin Konaković*